

АКАФИСТ

СВЯТОМУ ПРАВЕДНОМУ
ИОАННУ РУССКОМУ



Издательство Московской Патриархии
Русской Православной Церкви
Москва 2018

УДК 27-528
ББК 86-372
А38

Рекомендовано к публикации
Издательским советом
Русской Православной Церкви
ИС Р18-823-3434

**Акафист святому праведному
А38 Иоанну Русскому.** — М.: Издательство
Московской Патриархии Русской Пра-
вославной Церкви, 2018. — 80 с.

© Издательство Московской
Патриархии Русской
Православной Церкви, 2018
ISBN 978-5-88017-718-9



АКАФИСТ СВЯТОМУ ПРАВЕДНОМУ ИОАННУ РУССКОМУ

Кондак 1

Избрáнного исповѣдника
Христóва и чудотвóрца
предíвнаго, побóрника
святѣя вѣры правослáвныя, Рýс-
скою землѣю рождѣннаго и в зем-
лѣ Еллáды возсия́вшаго, святáго
пáведнаго Иоáнна похва́льными
пѣсньми почтѣм; ты же, угóднице

Божий, яко предстои́й пред Престо́лом Царя́ сла́вы, от всяких нас бед свободи́, с любóвию и благодарéнием зову́щих ти:

Ра́дуйся, страда́льче пра́ведный Иоáнне, терпéнию и крóтости нас науча́яй.

Икос 1

А́нгелов Творе́ц и всея́ твáри
Созда́тель избра́ ты, пра́ведне
Иоáнне, во е́же наро́ды Святы́я
Руси́ и Елла́ды духо́вно соеди-
ни́ти, и яви́ ты Цéркви Своéй Свя-
тéй вели́каго чудотво́рца, иму́ща-
го к Немú дерзнове́ние моли́тися
о исцелéнии недúгов душе́вных

и телéсных, о избавлéнии от вся-
ких бед и скорбéй. Тёмже мы, сы-
нове рúсскии, благоговéйне пре-
клоня́ем пред тобо́ю колéна сер-
дéц на́ших и умилéнно глаго́лем:

Ра́дуйся, земный а́нгеле и чело-
вече Небéсный; ра́дуйся, благо-
да́ти тезоименитый.

Ра́дуйся, крóтости и послуша́-
ния о́бразе; ра́дуйся, моли́твы
благоухáнное кади́ло.

Ра́дуйся, терпéнием злóбу ми́ра
сего́ победивый; ра́дуйся, вен-
це́м исповéдническим от Го́спода
укра́шенный.

Ра́дуйся, зéмли Аси́и по́двиги
своими́ озари́вый; ра́дуйся,

чудесы своими землю Еллады
наполнивший.

Радуйся, Русская звездоб, земли
вся просвещаяя; радуйся, отечество
земное молитвами своими
не оставляяя.

Радуйся, Христа ради на земли
пострадавый; радуйся, с Ним на
Небесех воцаривыйся.

Радуйся, страдальче праведный
Иоанне, терпению и кротости
нас научаяя.

Кондак 2

Идя Христос Господь благое
намерение сердца твоего, Иоанне
не блаженне, предначертá ти тер-

нистый и многотрудный путь
спасения: егда был еси с воинством
царя Петра, плениша тя агаряне
и в раба продаша в землю Асии
во град Проконион, идеже ты
пребыл еси непоколебимъ в вере
православней и жизнь свою
посвятил еси Богу, непрестанно
усты и сердцем воспевая Ему:
Аллилуия.

Икос 2

Разум богопросвещенный и
веру несумненную имел еси,
святче Божий, егда гнева агарян
не устрáшився, исповеда себе
христианина быти и радостно

восприял еси биения, úзы железныя, огнём жжение и многи мýки нестерпимыя. Тёмже вси, таково́му твоему́ дерзновению и мýжеству дивящися, глаго́лем:

Ра́дуйся, во стра́се Бóжии дóбре воспитанный; ра́дуйся, за́кóну Господню́ вёрно научённый.

Ра́дуйся, от юности своёя́ всего́ себё́ Бóгу преда́вый; ра́дуйся, в моли́тве утешение́ духо́вное обрета́вый.

Ра́дуйся, злóбы агáрян не устраши́выйся; ра́дуйся, мýки нестерпимыя побéдно претерпéвый.

Ра́дуйся, за Гóспода распя́таго огнём от мучи́телей опалённый;

ра́дуйся, Христо́вым Страсте́м в телеси́ своём приобщивыйся.

Ра́дуйся, терпение́ крёпкое во страда́ниях явивый; ра́дуйся, от ве́ры правосла́вныя не отступи́вый.

Ра́дуйся, Христа́ еди́наго всем се́рдцем возлюбивый; ра́дуйся, во́ине Христо́в непобедимый.

Ра́дуйся, страда́льче праведный Иоáнне, терпению́ и крóтости нас науча́ый.

Конда́к 3

Гилою́ Вы́шняго укрепля́емь, со дерзновением пропове́дал еси́ Еди́наго И́стиннаго Бóга пред

мучители своїми. Злочестивый господин твой, надеясь уловить ты и к вере своей привлещи, тело твоё начат истязати. Ты же, страстотерпче Христов, жестокая бие-ния от него претерпевая, укрепляющему ты Богу из глубины сердца воспевал еси: Аллилуия.

Икос 3

Имея в души своей пламенное желание последовати Агнцу Божию, пострадавшему спасения нашего ради, праведне Иоанне, не убоялся еси мучений и молился еси за враги своя и мучители, и от веры во Христа никакоже отступил еси, вопия Ему: ничто-

же мя разлучит от любви Твоей, Христе Боже. Сего ради величаем тя сице:

Радуйся, веры Христовы адманте несокрушимый; радуйся, о мире сем молитвенниче усердный.

Радуйся, даже до крове за Христа пострадавший; радуйся, в мужестве непоколебимем пребывай.

Радуйся, в мучениях благодатию свыше укрепленный; радуйся, свирепство мучителей победивый.

Радуйся, Страстем Христовым подражателю; радуйся, врагов Церкви посрамителю.

Ра́дуйся, ве́ру, наде́жду и лю-
бо́вь к Бо́гу до конца́ сохрани́-
вый; ра́дуйся, по́двигом своимъ
христиа́н Прокóпиона возвесе-
ли́вый.

Ра́дуйся, в се́рдце своемъ образъ
Христа́ носивый; ра́дуйся, стра-
да́ньми за Него́ Ца́рство Небе́с-
ное насле́дивый.

Ра́дуйся, страда́льче пра́вед-
ный Иоа́нне, терпе́нию и крото-
сти нас науча́й.

Конда́к 4

Бу́ря лю́тых мук и страсте́й
Міра сегó не потопи́ корабля́
души́ твоея́, пра́ведне Иоа́нне, ты

бо в телесномъ плененіи благоду́-
шие и крото́сть, незло́бие и сми-
ре́ние явилъ еси́, и якоже А́нгел,
на земли́ пожи́л еси́, в трудѣхъ, по-
сте́ и моли́тве подвиза́ясь, кеса́-
рю кеса́рево, а Бо́жие Бо́гови от-
дава́я, по сло́ву Го́спода, но́щию
же без сна пребыва́я, о прощени́и
свои́х согрешени́й, наипа́че же
о творя́щих ти оби́ды и озлобле́-
ния моля́ся, с любóвию поя́ Бо́гу:
Аллилу́ия.

И́кос 4

Глѣшавше и ви́девше дѣвное
Твое́ жити́е, смире́ние и пре-
мно́гую добродѣтель, гони́тели
твой удивѣ́шася и прославля́ху

тебѣ яко челоуѣка прѣведна. Егда же лю́тый господѣн твой узрѣ в доу́ своѣм моли́тв твои́х ра́ди изоби́лие во всем и даде́ тебѣ осла́бу, ты, огнѣм любве́ ко Го́споду окриля́емь, умно́жил еси́ труды́ подви́жническия, на всяку но́щь течѣнием слез помóст при-творѣ церкóвнаго в моли́тве орошѣя. Помози́ у́бо и нам подража́ти тебѣ, укрепѣ́ нас, от мглы страсте́й избѣви и да́руй му́жество духо́вное всем прибега́ющим ко предста́тельству твоѣму́ и вопи́ющим тебѣ таковы́я:

Ра́дуйся, уничи́жением своѣм убо́гому Ла́зарю уподóбивыйся;

ра́дуйся, терпѣнием своѣм с многострада́льным Йо́вом сравни́выйся.

Ра́дуйся, смире́нием Христу́ усердно подража́вый; ра́дуйся, подви́гом своѣм А́нгелов удивѣ́вый.

Ра́дуйся, трудо́м приле́жный, земно́му господѣну ве́рно послужи́вый; ра́дуйся, крóтостию и бла́гостию своѣю се́рдце его́ умягчи́вый.

Ра́дуйся, за творѣ́вших ти оби́ды моли́твы возно́сивый; ра́дуйся, злобу́ их на ми́лость преложи́вый.

Ра́дуйся, на па́перти церкóвней но́щи в моли́твах проводи́вый;

ра́дуйся, среді мра́ка злове́рия
благоче́стием просия́вый.

Ра́дуйся, я́ко за ненави́дящих
и оби́дящих нас моли́тися подвизи́
заеши; ра́дуйся, я́ко любве́ и ми-
лосе́рдия ко всем лю́дем испол-
няеши.

Ра́дуйся, страда́льче пра́вед-
ный Иоа́нне, терпе́нию и кро́то-
сти нас науча́й.

Конда́к 5

Боготече́ная звезда́, от Святы́я
Пруси́ возсия́вшая, яви́лся еси́,
блаже́нне Иоа́нне, блиста́я чисто-
то́ю а́нгельскою, и луча́ми добро-
де́телей свои́х зе́мли Аси́и и Ел-

ла́ды озари́в. Егда́ же ты бо́лен бе,
день своея́ кончи́ны от Бо́га ве́дая,
восхоте́л еси́ причасті́тися Свя-
ты́х Христо́вых Та́ин, иере́й, Бо́-
гом вразумле́нный, принесе́ тебе́
Святы́я Да́ры во я́блоце, ихже
прие́м, пра́ведную ду́шу свою́ в
ру́це Бо́жии пре́дал еси́, и све-
ти́льник нося́, полн е́лея до́брых
дел, вшел еси́ в Ца́рствие Небе́с-
ное, во е́же непреста́нно со все́ми
святы́ми воспева́ти всех святы́х
Святе́йшему Сло́ву: Аллилу́ия.

И́кос 5

Видевше лю́дие гра́да Прокóпи-
нона богоу́годное жити́е твоё

и блаженную кончину, со слезами и благоговением погребёша тело твоё во храме святаго великомученика Георгия. По кончине же твоёй мнози недужнии, не токмо православнии, но и латиняне, и агаряне, получаху исцеления у гроба твоего, благодарение Богу приносяще. Сего ради тебе яко тёплому моли́твеннику о всех страждущих взыва́ем та́ко:

Ра́дуйся, се́рдце своё покая́нными слеза́ми омы́вый; ра́дуйся, пла́чем и моли́твами к сме́рти себе приугото́вивый.

Ра́дуйся, я́ко всех оби́дящих тя простил еси́; ра́дуйся, я́ко незло́-

бием Христо́вым ду́ха зло́бы победи́л еси́.

Ра́дуйся, в чистоте́ ду́шу и тело сохрани́вый; ра́дуйся, кончину свою́ предуве́девый.

Ра́дуйся, пра́ведно жизнь земную́ сконча́вый; ра́дуйся, возлю́бившему тя Го́споду ду́шу преда́вый.

Ра́дуйся, я́ко венце́м безсме́ртия от Го́спода венча́лся еси́; ра́дуйся, я́ко ве́чной ра́дости по сме́рти приобщил еси́.

Ра́дуйся, я́ко це́рковь великомученика Георгия при́ят честное́ тело твоё; ра́дуйся, я́ко во оби́телях Небе́сных водвори́ся свята́я душа́ тво́я.

Ра́дуйся, страда́льче пра́вед-
ный Иоа́нне, терпе́нию и крото-
сти нас науча́й.

Конда́к 6

Пропове́дник чуде́с и сла́вы
Бо́жия яви́ся кли́рик не́кий
гра́да Прокóпиона, егда́ узре́
в со́нне видéнии блаже́нна-
го Иоа́нна, повелева́ющаго от-
кры́ти гроб, в нёмже обрета́ют-
ся нетле́нная мо́щи его́. Тёмже
ве́рнии моли́твенно возопи́ша
ко Го́споду, да яви́т Он лю́дем
мо́щи Своего́ избра́нника, зову́-
ще со благодарéнием Ему́: Алли-
лу́ия.

И́кос 6

Розсия́л еси́, я́ко но́вое свети́ло
всему́ христиа́нскому ро́ду,
пра́ведне Иоа́нне, егда́ Бо́жи-
им изволе́нием обрeтено бысть
нетле́нное и благоуха́нное те́ло
твоё, источа́ющее оби́лие чуде́с
всем с ве́рою к твоeму́ заступле́-
нию прибега́ющим. Тёмже увра-
чу́й и возвесели́ нас, ве́рою и лю-
бо́вию тебе́ зыва́ющих:

Ра́дуйся, на земли́, я́ко безплó-
тен, пожи́вый; ра́дуйся, пра́вед-
ниче Бо́жий, в чудесе́х просия́-
вый.

Ра́дуйся, иере́ю це́ркве свята́-
го Геóргия яви́выйся; ра́дуйся,